

# Ленинэнь киява

ВЛКСМ-нь Мокшэрэнь обкомонь ды Саранскоень ошонь комитетэнь газетаст

ИЮЛЕНЬ

30 чи,

1937 ие

№ 86 (760)

ЛКСИ

7-це ие  
чинь ютазь

## СЛАВА ГОРДОИ СОКОЛТНЭНЕНЬ, ИНЕ СТАЛИНЭНЬ ПИТОМЕЦТНЭНЕНЬ!

### „АНТ—25“ САМОЛЕТОНЬ ЭКИПАЖОНЬ--СОВЕТСКОЙ СОЮЗОНЬ ГЕРОИТНЕНЬ ЧКАЛОВ, БАЙДУКОВ ДЫ БЕЛЯКОВ ЯЛГАТНЕНЬ КРЕМЛЯСО ПРИЕМОСЬ

Кремлевской Покш Дворецэнь Георгиевской залсонть июлень 26-це чистэ ульнесть примазь Советской Союзонь геройтне Чкалов, Байдуков ды Беляков ялгатне, конат историясонть васенцеде пек вадрясто тейсть Москов—Пелеве ено полюс—Пелеве ено Америка апак валгоне пек паро ливтямо. Приемонть теизь ВКП(б)-нь Центральной Комитетэсь ды ССР-нь Союзонь правительствась. Приемсонть ульнесть авиационной промышленности робочейть ды роботникт, Чкалов, Байдуков ды Беляков ялгатнень родноест ды ояст, оборонной промышленности ды лия наркоматтнень ды организациатнень роботниктне, конат роботасть ливтямонть обслуживаниянзо коряс, ВКП(б) нь ЦК-нь ды правительствань члентнэ. Ульнесть истя жо Советской Союзонь маршалось Егоров ялгась, ВКП(б)-нь МК-нь секретаресь Хрущев ялгась, военной ды гражданской авиациянь руководителне, крупнейшей конструкторт, заводтнень директорт, Советской Союзонь геройть ды лият.

Залсонть Сталин, Молотов, Ворошилов, Каганович ялгатнень, ВКП(б) нь ЦК-нь ды правительствань члентнень появамостваст воев овациясо, кенярджшнозь сеерематнесэ: „Ура Сталин ялгантены!“, „Шумбра улезэ минек ине, родной Сталин!“.

Президиумонь столенть экшэ Сталин, Молотов, Ворошилов, Калинин, Каганович, Микоян, Чубарь, Ежов, Рухимович, Шмидт, Алексис, Туполев, Чкалов, Байдуков ды Беляков ялгатне.

Приемонь шкасто Главсевморпутень начальничесь Советской Союзонь героесь О. Ю. Шмидт ялгась „АНТ—25“ самолетонь экипажонть—Чкалов, Байдуков ды Беляков ялгатнень чествэ провозгласил тост.

Мейле О. Ю. Шмидт провозгласил тост Пелеве ено полюсонть вельска историясо беспримерной ливтямонь гениальной организаторонть ды вдохновителенть чествэ, народтнень ине вожденть Сталин ялганть чествэ. Тетостонть весе присутствующейтне вастызь кенярджшнозь виев овациясо. Весе

стить. Пек покш залось пешкеди бурной овациясо ды сеерематнесэ: „Шумбра улезэ Сталин ялгасы!“, „Ура Сталин ялгантены!“, „Шумбра улезэ большевистской партиясь!“.

Тедэ мейле О. Ю. Шмидт ялгась провозглашает тост Сталин ялганть малавикс оянтъ ды соратникенть—СССР-нь Народной Комиссартнень Советэнь председателенть В. М. Молотов ялганть кис. Залось евтась покш поздоровт Советской правительствань прявтоненть Молотов ялгантень.


Седе мейле Шмидт ялгась провозглашает тост СССР-нь ЦИК-ень председателенть М. И. Калинин ялганть кис. Залсонть лажны овация.

Залось одов пешкеди овациянь шумсо, зардо Шмидт ялгась кепеди бокал оборонань славной Народной Комиссаронть, Советской Союзонь васенце маршалонть К. Е. Ворошилов ялганть чествэ, чугунокань кинь транспортонь кшинь Наркомонть Л. М. Каганович ялганть чествэ, революциянь верной страженть Внутренней Тевтнень Наркомонть Н. И. Ежов ялганть чествэ, Оборонной Промышленностень Народной Комиссаронть М. Л. Рухимович ялганть ды авиационной, оборонной промышленности роботниктнень чествэ.

Ворошилов ялгась кепеди бокал Советской Союзонь геройтнень, пламенной патриоттнень—Чкалов, Байдуков, Беляков ялгатнень кис. Советской ине народонь верной цератнень, историсо Пелеве ено полюсонь васенце зимовщиктнень—Папанин, Кренкель, Федоров ды Шишов ялгатнень кис, отважной сталинской питомецтнень—Громов, Юмашев, Данилин ялгатнень кис, конат тейсть беспримерной ливтямо сталинской трассаванть Московсто Пелеве ено полюсонть вельска Пелеве ено Америкав ды конат тейсть васолов ливтямонь мировой рекорд, советской полярниктнень коллективенть ды сынст руководителенть, ледовой Комиссаронть О. Ю. Шмидт ялганть кис. Ворошилов ялганть заключительной валонзо алтазь народтнень мудрой вождентень Сталин ялгантень. Весе залось кенярджшнозь евты поздоровт народтнень ине вождентень ды учителентень—Сталин ялгантень.

Приемсо присутствующейтнень туртов теезель концерт, конань организовизе СССР-нь Совнаркомсо искусствань тевтнень коряс Всесоюзной Комитетэсь.

(ТАСС).



Советской Союзонь геройтне БАЙДУКОВ, ЧКАЛОВ ды БЕЛЯКОВ ялгатне.

### СССР-нь ЦИК-ень ПРЕЗИДИУМСО

Июлень 27-це чистэнь М. И. Калинин ялганть председателстванзо коряс ульнесть СССР-нь ЦИК-ень Президиумонть заседания, косо максозь ордент казезь ялгантнень.

СССР-нь ЦИК-ень секретаресь Горкин ялгась васенцеке евтызе Внутренней Тевтнень Народной Комиссаронть Государственной Безопасностень Генеральной Комиссаронть Николай Иванович Ежов ялганть лемензэ. Союзонь ЦИК-ес сонзэ, правительственной заданиятнень топавтормань коряс Наркомвнутделэнь органднень ветямонь тевсэнь выдающейся успештнень кис, казизе Ленинэнь ордензэ, Весе сетне, кить ульнесть заседаниясонть, стядо, лембестэ приветствують боевой наркомонть, Сталин ялганть соратникензэ, большевистской партиянь преданнейшей цераanzo. Сонзэ вельде сынзэ приветствуют славной наркомвнутделэнтнень, конат пштитэ ванстыть социализманть изнявкстнень ды пощадавтомо таргситэ юрнэк фашизмань троцкистско-бухаринской ды лия агенттнень, шпионгнень, диверсанттнень, вредительтнень. Михаил Иванович Калинин, Ежов ялгантень Ленинэнь орденэнь максомсто, кутмордызе сонзэ.

Ежов ялгась СССР-нь ЦИК-ень Президиумонть евтась речь. Сонзэ кортамосонзо евтнесь государственной безопасностень минек советской органднень своеобразиядонть. Мирсэнь арась вейкеяк государства,—корты сон,—косо бу государственной безопасностень органднэ, разведкань органднэ улевельть истя кеместэ сьулмавозь народонть марто, истя парсте отиражали бу те народонть интересэнзэ, ванстовольть бу народонть изнявкстнень.

Капиталистической мирсэнь разведкань органднэ трудиця населениянь келей массатнень туртов аштитэ государственной аппаратаонть сех а вечкевикс пельксэкс, секс, што сынзэ ванстыть капита-

листтнень господствующей куцненть интересэнзэ. Минек, мекейлангт, советской разведкань органднэ, государственной безопасностень органднэ ванстыть советской народонть интересэнзэ. Секс сынст заслуженна уважает, заслуженна вечки советской весе народось.

Кортамонзо прядомсто Ежов ялгась мерсь, што Внутренней Тевтнень Народной Комиссариатонть роботниктнэ тевсэ оправдают партиянь ды правительстванть се покш кемемаст, кона тешкстазь те каземасонть.

— Минь макстано вал,—мерсь Ежов ялгась,—минек народонтень, минек партиянтень ды правительстванть, макстано вал минек вождентень Сталин ялгантень, што а позорасынек наркомвнутделэнтнень большевиктнень славной лементь ды чествэ марто карматано кандтлеме те казненть, конань правительствась минек течи максызе.

Мейле получасть ордент Фриновский, Бельский, Реденс, Дагин, Заковский ялгатне ды Наркомвнутделэнь лия роботниктнэ, конат казезь правительстванть пек важной заданиятнень образвойстэ ды самоотверженна топавторманть кис.

Казнеть максозь Москов—Рав каналонть строицятнень.

Хользунов комбригентень максозь грамота сонэнзэ Советской Союзонь героень лемень присвоениядонть ды максозь Ленинэнь орден. Тедэ башка, казнеть получасть Рабоче-Крестьянской Якстере Армиянь зыряя командирт. С. Е. Фадеев якстереармеецэсь казезель государственной границатнень ванстомсто невтезь долблестенть ды героизманть кис. Сон получасть Якстере Знамянь орден.

Ордентнень максомасто мейле М. И. Калинин евтась речь. Сон покш мельс-паросо поздравил казезь наркомвнутделэнтнень ды лият казезьтнень.



## Международной Геологической XVII-це конгрессэн делегаттнэн примажннзе Молотов ялгась

Июлень 28-це чистэнт ССР-нь Союзонь Народной Комиссартнэн Советэнт председателесь В. М. Молотов ялгась Кремлевской Покш Дворецэнт тейнесь прием Международной Геологической XVII-це конгрессэн делегаттнэн чествэ. Приемсонть ульнесь правительствань члентнэ, конгрессэнт советской ды омбо масторонь делегаттнэ, истя жо ученойт, советско-общественностень ды печатень представитель—весемерз ма тав 1000 ломанть.

Виевстэ, куватьс молиция ованчюсо вастозельт залонтень В. М. Молотов, В. Я. Чубарь, А. И. Микоян ды В. И. Межлаук ялгатнень появамо.

Президиумонь столенть эхсэ таркат истя жо занясть М. М. Литвинов, М. Л. Рухимович ялгатне, Советской Союзонь маршалтнэ

А. И. Егоров ды С. М. Буденный ялгатне, Н. А. Булганин, К. Я. Бауман ялгатне, СССР-нь Наукатнень Академиянь президентэсь академикесь В. Л. Комаров, конгрессэнт президентэсь академикесь И. М. Губкин, СССР-нь делегациянь председателесь, конгрессэн вице-президентэсь академикесь В. А. Обручев, американской делегациянь председателесь, конгрессэнт вице-президентэсь Филипп С. Смит, английской делегациянь председателесь, конгрессэн вице-президентэсь профессорось Б. Бейли, французской делегациянь председателесь, конгрессэн вице-президентэсь академикесь Шарль Жакоб.

ССР-нь Союзонь Народной Комиссартнэн Советэнт председателесь В. М. Молотов ялгась делегаттнэнень евтась речь.

## ОЗИМЕНЬ ВИДЕМАНЬ ГОСУДАРСТВЕННОЙ ПЛАН 1937 ИЕНТЕНЬ

ССР-нь Союзонь Народной Комиссартнэн Советэсь кемекстась озимень видемань план 1937 иентень. Озимень видемань общей площадесь СССР-нт келес кемекстась 36 миллионт 972 тышат гектарт, сынст эйстэ совхозтнэва—2 миллионт 99 тышат гектарт, колхозтнэва—34 миллионт 551 тышат гектарт, единоличной хозяйстватнэва—322 тышат гектарт. Планонть коряс, РСФСР-сь должен видеми 23 миллионт 723 тышат 90 гектарт, УССР-сь—3 миллионт 628 тышат 200 гектарт, БССР-сь—1 миллионт 2 тышат 100 гектарт.

1937 иентень озимой товзюронь видемань планось кемекстась 15 миллионт 97 тышат 800 гектарт, сынст эйстэ РСФСР-га—6 миллионт 434 тышат гектарт, УССР-га—6 миллионт 529 тышат 500 гектарт.

ССР-нь Союзонь Совнаркомось кармавтынзе республикань Совнаркомтнэн, краевой ды областной исполнительный комитеттнэн, штобу сын видемань планонть пачтывлизь совхозтнэнень, колхозтнэнень ды единоличной хозяйстватнэнень; Наркомсовхозтнэн, Наркомпишпромонть ды СССР-нь Наркомземэнт кармавтынзе видемань планонть эсист системань эрва совхозонтень пачтамс 1937 иень августонь 5-це чиденть аволь седе позда.

## Васень сюрось— государствав

Чамзинкань р-н. Маколова велень „13 Октябрь“ колхозось июлень 25-це чистэ заготзернонь складс сехте икеле усксь 7 центнерт суро од урожайстэнт. Сюрось паро.

Н. М. Симдянов.

## Те иестэнт сюросо, модамарьсэ торговамось карми молема апах лоткисэ

Икелень иестэнт од урожаянь урядомо шкастонть саезь ды весе крайсэнт, областсэнт, эли республикасонть государствавте сюронь, модамарень максомань планонть целанек топавамось, видемень ды фуражной фондтнэн анокстамс лоткавтневиль сюросо (кшисэ) ды модамарьсэ колхозно-крестьянской торговлясь. Те иестэнт те а карми улеме. Сюросо (кшисэ) ды модамарьсэ торговамось а ули лоткавтозь.

Правительственной те актось эшо вестэ невти колхозтнэде, колхозниктнэде ды башка эриятнэде партиянт ды правительстванть яла седека касця мялывтоманть, корты минек социалистической государствавть виензэ касомадо.

## ЯПОНИЯСО СССР-нь полномочной представителесь— М. М. СЛАВУЦКИЙ ЯЛГАСЬ

СССР-нь Центральной Исполнительной Комитетэнт Президиумось тейсь постановления: назначить Япониасо СССР-нь полномочной представителем Михаил Михайлович Славущий ялганть.

М. М. Славущий ялгась шачсь 1898 иестэ Кременчуг ошсо. Тонавтнесь Политехнической Институтсо. 1919 иестэ саезь—Наркоминделэнь ответственной работасо, 1931 иестэ саезь—Харбинсэ СССР-нь генеральной консул.

(ТАСС).



М-ской ЛАГЕРЬТНЕНЬ ТАКТИЧЕСКОЙ ЗАНЯТИЯТНЕСЭ.

СНИМКАСОНТЬ: пулеметной отделениясь юты леенть трокс.

Фотось БЕРТРАМОНЬ (Союзфото).

Од кочкиянть СССР-нь Верховной Советс кочкамотнеде

## ОД ЛОМАНТНЕНЬ ПОЛИТИЧЕСКОЙ ПРАВАТНЕ

Социалистической ине революциясь минек масторонь трудия од ломантнень олас менстнзе экономической урекс-чинь цептнень эйстэ, чопода-чинть ды невежестванть эйстэ; сон од ломантнэнень макссь политической истят покшт прават, кодат зардоак эзть ульне исторясонть. Сталинской Конституциясь ды сонзэ коряс теезь кочкамонь законось неть праватнень кемекстыть од ломантнэнень.

Од ломантнень политической праватнень минек тетятне ды седе покш браттнэ завоевали капиталистической строенть каршо пек виев бороцямос.

Содатано, што революциядо икелень Россиясонть инязоронь правительствась эрва кодат тувталтнэнь коряс эзь нолда Государственной думас кочкамотнесэ участьянтень весе рабочейтнень, весе батракнтнень, поденщикнтнень ды чернорабочейтнень колмо нилецекс (1/3) пелькстнэнь, бедной крестьянстванть эйстэ сех ламотнень. Инязоронь Россиясонть „лишенецк“, политической праватомокс ульнесь весе од рабочейтне ды од крестьянтнэ.

1905 иестэнт примазь „Государственной думас кочкамотнеде положениянт“ 6-це статьясонзо мерезь:

„Кочкамотнесэ а примить участия а) тейтерь-аватне; б) 25 иеде од ломантне; в) учебной заведенийтнэсэ тонавтницятне; г) армиянь ды флотонь воинской чинтнэ, конат действительной службасот; д) бродячей инородецтнэ ды е) омбо мастортнэнь подданнойтне“.

Истямо ладсо, од ломантнень, конатне лепштызельт экономически, арасельт политической правастка.

Февральской буржуазно-демократической революциясь мезеяк од эзь тее од ломантнэнень политической правань максоманть коряс. Учредительной промксонтень кочкамотнень анокстась, буржуазиясь ды сонзэ верной слугатне, эсертнэ ды меньшевиктнэ, примильт весе мератнень сенень, штобу од ломантнень кадомс кочкамонь праватневате. Кадеттнэ (крупной буржуазиянт партия) ловсть, што ошонь думатнес ды учредительной промксонтень кочкамонь праваст могут улемс ансяк 23 иеде аволь седе вишкине ломантнень. Эсертнэ ды меньшевиктнэ, революционной массатнень юткс эсь прят эцезь, тейсть „уступка“, возрастной цензэнт алкагавтомс 20 иес, лиякс меремс, кочкамонь прават максомс сетне-

нень, конатнень 20 иеде аволь седе аламо.

Ансяк большевистской партиясь ветясь энергичной бороцямо сень кис, штобу кочкамонь прават максомс весе од ломантнэнень 18 иестэ саезь. Партиянт центральной органось „Правдась“ печатакшнось воззваниянт ды лозунгт истямо вешема марто, штобу кочкамонь прават максомс весе од ломантнэнень 18 иестэ саезь. „Правдась“ сермадсь: „Кочкамотне кармить улеме аволь реальнойкс, не могут ютамс, бути 18 иесэ ялгатне кадовить кочкамонь праватомо. Минь не позволим, штобу буржуазиясь минек кадовимизь праватомо. Кочкамонь правась принадлежит весе гражданинтнэнь 18 иестэ саезь“...

Робочей од ломантне, од солдаттнэ организовакшнось буржуазиянт избирательной законтнэнь каршо протестэнт митингт. 1917 иень маень 27-це (14-це) чистэнт „Правданть“ 57-це №-сэ печатазель серма, кона парсте невтиль од солдаттнэнь мельс-апарост буржуазной Временной правителстванть избирательной закононт кувалт.

„Буржуазиянт мелензэ коряс, — мерезь те сермасонть, — сонзэ благоденствиянт ды барыштнэнь кис могут кулсемс ды валомс эсист верест рабочейтне ды крестьянтнэ 18 иестэ саезь ды мик седе одсто. Теньсэ сон согласи ровнямс минек весе... Но тень кис буржуазиясь кодак а согласи, штобу „отечест-

ванть кис“ куломанть туртов неть маштовикс гражданинтэ увелельт маштовикс эрмонть устройствованть туртовгак, общественной тевтнесэ участиянт туртовгак“.

Меньшевистской сворась эсинзэ гнусной печатень страницатнесэ молись 18 иесэнтнэнь голосованиянт правань максоманть каршо ды кепедсь „Правданть“ каршо азаргадозь травля сень кис, мекс сон ванстыль трудия од ломантнень праваст.

Буржуазной Россиясонть избирательной системась аволь ськамонзэ ульнесь истямокс лия мас-тортнэнь ютксо. Эшо 1912 иестэнт Ленин сермадсь, што „буржуазной мастортнэнь избирательной весе систематне, мик сех демократическойтне, алкуксонь тевсэ ограничивают рабочейтнень избирательной праваст эли возрастсо (Россиясо эрвать 25 иеть), эли оседлостьэнт ды роботамо тарканть постоянствасо (Россиясо пель ие) ды лиясо. Истят ограничениянтне обыкновенна прыть седеак стакасто, именна пролетариатонть од, сех сознательной ды решительной слойтнень лангс“ (XVI-це том, 215 стр.).

Капиталистической мастортнэсэ трудия од ломантнень политической положениянт парсте невти ленинской валтнэнь видека-чист.

Капиталистической мастортнэсэ од ломантне—обществанть сехте пек бесправной пелькс. Сынь порабощеннойть экономически—без-

(Пезэ 3-це страницасо)



## Комсомолонь организациясь касы

1935—36 иесте Пянгилеень комсомольской организациясонть лововсть 3 комсомолецт. Нетне ютксо як дисциплинась ульнесь берянь ды кодамо як работа эзть ветя аволь союзной од ломантнень ютксо. Комсоргокс сестэ ульнесь Никульчева.

1937-це иестэ жо Колганов комсоргонть пингстэ тевесь лияксомсь. Ламо тейниль аволь союзной од ломантнень марто промкст, толковиль ВЛКСМ-нь уста-

вонть, программанть ды лият. Ней организациясь кассь кеветее ломаньс. Июлень 16-це чистэ ютавтсть отчетно-кочкамонь промкс, косо Колганов тейсь отчет. Комсомолецтнэ пек критиковизь роботанзо. Кочкасть од комитет ды закрытой (тайной) голосования ульнесь кочказь комитетнь секретарекс мекев Колганов.

И. Ф.

Чамзинкань р-н.

## Комсомолецтнэ кадовить аволь союзной од ломантнеде

Пикшня велень комсомольской комитетэсь эзь арсекшне пурнамо комсомольской промкс, косо бу толковавлизь „СССР-нь Верховной Советс кочкамотнеде Положениянть“ ды кортневельть сюронь урядомсо комсомолецтнэнь роботадонть. Секс вейке як комсомолец а содасы те исторической документэнтэ ды кадовить аволь союзной од ломантнень эйстэ паксясо роботамсто розень нуемстэ.

Аволь союзной од ломантне эсь роботасост невтить пример. Вана Сеняева Елена, Любаев Вася, Лобанов Гара, конат тейсть 200 тру-

дочиде ламо, эрва чи сьолмить 250—200 пултт.

Комсомолецтнэ жо роботыть беряньстэ.

Примеркс Д. Девейкин, конась яла улы, роботамо лисни чуросто ды лият.

Комсомолецтнэнь ютксо роботыть ансяк колмо ломанть: Дивейкина Зинаида, Сеняев ды Соболюкин. Сыньгак содыть ансяк роботаст, но кодамо як культурно-массовой работа а ветить.

А. К.

Игнатовань р-н.

## Культурна оймсить—паро мельсэ роботыть

Чамзинкань район. Хлыстовка велень колхозонь нуицятне ды паксясо лия роботыця колхозниктнэ обедень перерывстэ паксян стансо ловнокшныть газетат, журналт, брошюрат, конатнень, колхозниктнэнь туртов кантлить колхозонь активесь ды комсомолецтнэ.

Паксян стансонть истя жо улить плакатат, шашкат, цветкат ды лия предметт. Истямо культурной оймсимадо мейле колхозниктнэ ды колхозницатне роботыть паро мельсэ, веселасто.

Грошев А. М.

## Звуковой кинось колхозсо

Хлыстовка велесэ, июлень 21-це чинь чокшне ульнесь колхозниктнэнь туртов звуковой кино, косо неизь сех паро советской кинофильманть „Чапаев“. Весе колхозниктнэ паро мельсэ ваньзть те

кинофильманть ды прыдамо мейле кой-кона атытне ледстнесь эпизодт империалистической ды гражданской войнатнестэ.

Калеев.

Чамзинкань р-н.

## ОД ЛОМАНТНЕНЬ ПОЛИТИЧЕСКОЙ ПРАВАТНЕ

(П Е З Э)

работикась сынст ланга вачкодическоя праваст. США-нь конституциянь коряс избирательной политической праваст ули ансяк 21 иеде аволь седе одтнень, пассивной праваст (улемс кочказекс праваст)—конгрессэв кочкамсто ули ансяк сетнень, конатнень 25 иеде аволь седе аламо ды сенатс кочкамстонзо—30 иеде аволь седе аламо. Франциясо сень туртов, штобу улемс кочказекс верхней палатас—сенатс—эрявить ниленьгеменде аволь аламо иеть, штобу улемс кочказекс депутаттнэнь палатас, эрявить 25 иеть. Чехословакиясо соответственна—45 иеть ды 30 иеть. Норвегиясо не могут улемс кочказь кода алсе палатанть, истя жо верце палатанть сетне, конатнень эзть топоде 30 иеть.

Фашистской Италиясо законсонть мерезь, што активной избирательной праваст (кочкамонь праваст) улить сетнень, конатнень топодсть 21 иеть. Сень туртов, штобу Италиясо ломантнэнь кочкавлить депутаттнэнь палатас, сонзэ иензэ улест 25 аволь седе аламо, штобу кочкавлить сенатс; иензэ улест колоньгеменде аволь седе аламо. Япониясо кочкамонь праваст улить ансяк цератнень, конатнень топодсть 25 иеть. Кочкамонь праваст арась сетнень, конат действительной службасот армиясо ды флотсо. Сень кис, штобу улемс кочказекс (кочкить ансяк церат), эрявить колоньгеменде аволь седе аламо иеть.

Польшасо 1935 иень од конституциянь коряс качкамонь праваст максовить ансяк сестэ, зярдэ ломантнень топодить 24 иеть.

Буржуазной мик сех демократической государстватне эрва кода киртить од ломантнень полити-

Ансяк СССР-сэ масторонть избирательной законсь эрва од цератнень ды эрва од тейтерентень, конатнень топодсть 18 иеть, максы полной права кочкамс ды улемс кочказекс пролетарской диктатуранть куш кодамо органс.

Но аволь ансяк тень эйсэть од ломантнень праваст. Кочкамонь законотъ 56-це статьяно коряс од ломантнень организациясь—ленинской комсомолось—может истя жо, кода коммунистической партийной организациятне, профсоюзтнэ ды масторсонть общественной лия организациятне—аравтомс эсь



СНИМКАСОНТЬ: „Новая жизнь“ колхозонь звеньевосе (Рыбкинань р-н) Тонярева Паша сюнав урожаенть урядамсто.

## Истямо урожай ломантне аздыльть

Ардамовань район. Чукалонь „Путь Ильича“ колхозсонть розень нуемась моли парсте. Колхозниктнэ бажить седе курок ды емавкстомо урядамс те пек покш урожаенть, кодамо сын зярдояк а содыльть.

Нилесе бригадасонть жнейкасо нуицясь Кумакшев Г. И. эрва чистэ планонзо топавтни 180 процентсды вадря качества марто. Жнейка мельга пултонь сьолмицятне од тейтертне Полевкина, Агейкина А., Агейкина Т., Кипайкина А., Мокшина ды Мокейкина эсь нормаст эрва чистэ топавтыть 200 процентс. Пулттнэнь сьолмить парт, мельгаст колозт а кадовкшныть.

Роботыцятнень организавзь вейсэнь ярасамо. Оймсема шкасто ловнокшныть тест газетат ды ху-

дожественной литература. Кармитонавтнеме СССР-нь Верховной Советс кочкамонь Положениядонть Яковлев ялганть докладонзо. Кавто бригадань нуицятнень ютксо толковазь МАССР-нь Конституциянь проектэсь.

Июлень 22-це ды 23-це читнестэ нуицятнень паксясо невтезельть кинокартинат.

Колхозонь паксясо парсте роботы 63 иесэ колхозницась Мокейкина Ольга. Сон малав эрва чистэ теи кавто пель марто трудочить. Июлень 24-це чистэнь тейсь 3 трудочить. Сон корты: „Сюронок теи де пек паро, мон зярдояк истямо урожай эзинь нексне. Эрви тевек роботамс седеяк вадрясто, штобу вейке як зерна аволь ема“.

Ф. Кипайкин.

кандидатурат ССР-нь Союзонь Верховной Советс.

Советской властэсь максынзе экономической ды культурной весе условиятнень минек од ломантнень развигиянь ды совершенствованиянь туртов, сынст тонавтнеманть ды роботамонть туртов, эрва кодат дарованиятнень ды таланттнэнь кадоманть туртов. Большевиетской партиянь ды советской властэнь заботамост коряс минек од ломантнень максозь келей праваст государственной плодотворной деятельности туртов.

Советтнэс меельсэ кочкамотнестэ, 1934 иестэ, велень советтнэнь членкс кочказельть 350.760 од ломанть 18 иестэ 25 иес. Сынст эйстэ малав 45 проценттнэ комсомолецт ды комсомолкат. 12.286 од ломанть кочказельть районной исполнительной комитеттнэс; 35.000—ошонь советтнэс. Советской од ломантнень сех вадря представительтне кочказь союзной правительстванть составс.

Нетъ цифратнестэ, истя жо, кода советской государстванть избирательной законстонзо, неяви, што Советской масторсонть од ломантнень отношениясь принципальная лия сень коряс, кодамо сон капитализмань мастортнэсэ. Советской властэсь од ломантнень равной праваст максы аволь ансяк производствасо, аволь ансяк культурной фронтсонть, но истя жо государстванть ветямонь тевсэньтак; аволь ансяк кочкамонь

правасонть, но сеньсэ як, што од ломантне могут улемс кочказекс. Секс самай советской од ломантнень сех популярной лозунгокс ашти „Пасиба Сталин ялганть уцяскав эрямонок кис!“.

Большевиетской партиясь ды советской властэсь пек кемить од ломантнень лангс, те кемеманть комсомолецтнэнь ды од ломантнень эрви оправдать кочкамонь сыця кампаниянь молементэ. Трудиятнень депутатонь Советтнэс кандидатонь аравтозь, од ломантнень организациятнень эрви мельсэ кирдемс главноенть: рабочей классонть диктатурань оргатнэс эрявить кочкамс ансяк сеть ломантнень, конат преданной большевиетмань теветень ды социалистической родинанть. Содазь, што трокистско-бухаринской ды шпионской лия агентурась эсь агентт кучтни од ломантнень организациятнескак. Фашистской агентурась, нама, снартни эсинзэ преступной цельтнень кис тевс нолдамс сыця кочкамотнень шкасто избирательной бороцямонтькак. Секс минек масторонь эрва комсомолецтнэнь ды од ломантнень пельде вешевидительность, большевиетской настороженность, ды се, штобу маштомс эсь шкасто ды пощадавтомо лангс таргсеме народонь ды родинань врагтнень.

(„Комсомольская Правда“)



## Советской писательтнень союзонь членстэ Григошин панезь

Июлень 27-це чистэнтэ ульнесь Мокшэрзянь писательтнень союзонь правлениянь келейгавтозэ омбоце заседания, косо таго ваннозэ Григошин писателень творчествазе.

Омбоце заседаниентень аноктазельть сообщения Григошинэнь меельсешкань творчествадонзо. Ловнозельть "Цветок молодости" (рузкс) сермадовксонть ушодовксонзонзо гават. Григошинэнь меельсешкань сермадовксонде кортыцятне невтизэ, што сынст эйсэкс арась истямо, конань улелель художественной питнезэ. "Цветок молодости" сермадовксонть малав колмо иень перть мезеяк паро арась теезэ. Оперань либреттонть ушодовксонь берянь, а маштови. Эйкашонь евтнематне, конат максозельть Мордгизэв, истямо ладсо нолдамонь кис а молить, сын а видестэ невтит минек шкань уцякав эйкашнэнь, пионертизэнь эрямост, роботамост, тонавтнемат.

Теке марто, весе сенень, мезе уш евтазельть икелень заседаниясонть, Григошинэнь васень шкань ды седе мейлень творчествастонзо таргазель таго покшт асатыкст, политический зыянов сермадовкст. Пимеркс, "Ташто койсэ эри Гара" стихсэнтэ Григошин минек трудиця крестьянстванть, истя жо, кода троцкистнэ, невти реакционной виекс. "Седикелень эрямо" стихсэнтэ сермады:

А содылеть, ков молилеть,  
Кинь мель витят, кинь прятят...  
Мезде кортыть неть валтнэ? Седе, што седикеле минек трудицятне а содылизэ, кинь лангс сын роботыльт, кинь трить, значит тенст. Григошинэнь валтнэнь коряс, эряви чаркодемс, а кинь каршо ульнесь ды а мейсэ ульнесь бороцямскак. "Заводсо роботыця" стихсэнтэ Григошин кенгелез невти минек рабочейтизэнь трудост адскойкс, каторжвойкс. "Эзянь промкс" стихсэнтэ, косо Григошин снартнесь евтамс, кинь а эряви кочкам

Советс, сонзэ кода бути "менс" тосо классовой врагось—кулачествась. Те стихсэнь жо сермадовксонь самай сестэ, зярдэ ушодовсь кулачестванть коренонзо таргсемась. Григошин жо сестэ Советс эзь мере кочкамс весень, ансяк аволь кулачестванть ды лия врагтнэнь. Сонзэ стихсэнтэ лиси, што сынст можналь ды эрявсь кочкамс Советс. Те мезе? Технической ильведькс эли проста мелочь? Арась! Те ашти Григошинэнь творчествань платформанть весе а явовикс пельксэкс. Сонзэ творчествастонзо весе ильведькснэ органически сколавозь эсь ютковаст. Секс лиси, што Григошинэнь сермадовксонь зыяндэ башка мезеяк эзть кандо минек литературанть.

Григошин сермадсь ды газетсэ нолдакшнось педэ пев националистической произведения "Эзянь цера богатырь".

Кортыцятне истя жо невтизэ Григошинэнь произведениятнень стилень, келень бедной-чинть. Сонзэ малав эрва сермадовксонть мекев-васов тапаравить секетэ жо коське валтнэ. Малав вейкеяк сермадовксон арась художественной паро образ. Григошинэнь улит ламо истят произведениязо, конатнестэ неяви, што авторось сонсь а содыль, мезде сермадыль ды секс лисилеть истят тапаравикст, кода, примеркс, "Ошось велентень, велесь ошонтень" стихсэнтэ мерезь, што минек фабрикатне

Щердиль, полдиль,  
Витиль, теить тракторнэнтэ...

Григошинэнь являвотзельть зярыя лия покш чумондомат. Весень ловозь сон каязэ Мокшэрзянь советской писательтнень союзонь правлениянь члентнэнь составсто ды панезь советской писательтнень союзонь членстэ. Истя жо мерезь, штобу Григошинэнь весе зыянов сермадовксонть нейке жо улелельть изъятыйт, штобу сынст авольть ловно минек трудицятне, минек од ломанть.

## Виев бойть Бейпинэнтэ перька КИТАЙСКОЙ 29-це АРМИЯНТЬ НАСТУПЛЕНИЯЗО

Сень кувалт, што японецтнэ таго одс ушодызь военной действиятнень, Северной Китайсэ положениясь пек пштилгась.

Северной Китайсэнтэ японецтнэ пек келейгавтызь захватнической действиятнень, теке марто сынствс ютавтит эрва кодат провокацийт. Японской очередной провокациянь результатокс ульсь июлень 26-це чинь вестэнтэ японской ды китайской войскактнень ютксо пек виев боесь Бейпинэнтэ пеле-чи енкс марто чи валгома ено ортатнень маласо.

Бойдентэ мейле Бейпинэнь кармась улеме осажденной ошонь кондымокс. Июлень 28-це чистэнтэ японской бомбардировщиктнэ эскадрильясь (21 самолетт) бомбардировизэ Бейпинэнь пригородтнэнь. Японской военной самолеттнэ весе чинть перть ливтнестэ ошонтэ велькска.

Июлень 28-це чистэнтэ валске марто японской войскактне бомбардировизэ китайской 29-це армиянь главной вийтнень, конат ульнестэ Наньюаньсэ (Бейпинэнтэ эйстэ пеле-чи ено) ды Сикюаньсэ

(Бейпинэнтэ эйстэ мелеве-енкс марто чи валгома ено).

Секе жо чистэнтэ 29-це армиясь ушодсь наступления японской азаргадозь захватчиктнэнь каршо ды саинзе Ланфан ды Фынтай станциятнень, икеле конатнень сайнизэ японецтнэ. Фынтай станциянь маласо боень шкастонть китайской войскактне сайствэ японской колмо танкат. Китайской войскактне истя жо занизэ Тунчжоу ошонтэ (Бейпинэнтэ эйстэ чи лисема ено, "восточно-хэбэйской государственнэ" столица, конань (государстванть) организавизэ японецтнэ). Тунчжоунть кис бойсэнтэ васендеде примастэ участия китайской воздушной вийтне.

Шанхайсэ ды лия оштинэсэ китайской населениясь мельсепаросэ празднови Ланфананть ды Фынтаентэ маласо китайской войскактнень изнявксонть. Китаень промышленной покш центростэ—Шанхайсэ учреждениятне, предприятия ды торговой фирматне понгавтствэ национальной флагт. Улицатнэсэ—ламо кемоят тышат ломанть,

ТАСС.

## СЕРМАДСТАСТЬ 1560 ЦЕЛКОВОЙ ЛАНГС

Сайгуш велень комсомольской организациянь комсомолкась Четаева ялгась парсте организаци колхозниктнэнь ютксо массово-раз'яснительной роботанть. Сон эрва чистэ яки паксыс роботыця колхозниктнэнь ды колхозницатнэнь ваксс, косо сон тенст ловнокшны ды толкови газетной материал,

партиянь ды правительствань решениятнень.

Четаева ялгась эщо вестэ толковизе колхозниктнэнь СССР ны оборонань кемекстамонь заемонть, значениянзо ды колхозниктнэ сермадствэ заемс 1560 целковой лангс.

И. Суслин.

Чамзинкань район.

## Заемс сермадстомась

СССР-нь оборонань кемекстамонь заемс Турдак велень служащейтне макссть 1455 целковойт, колхозниктнэ—2660 целковойт, единоличниктнэ—50 целковойт. Заемонть лангс сермадстомась молевель бу седе парсте, бути уле-

вель парсте ладязь массово раз'яснительной роботась. Партийно-комсомольской организациятнень эряви ловомс те асатыксэнтэ.

Ев. Агеев.

Дубенкань район.

## Бездельниктнэ сезизь эйкаштинэнь оймсемаст

ВЛКСМ-нь обкомонь ды горкомонь, Наркомпросонь ды горОНО-нь роботниктнэ эщо мик тунда кемелест пек покш шалт эйкашонь парконть строямонзо перька. Соответствующей организациятнэнь шнызэ. Паркокс ульнесь максозь "Гигант" колхозонть садось, сонзэ оборудованиязо туртов нолдазельть 30 тыщат целковойт.

Секе жо шкастонть проходимецэнтэ ды жуликентэ Евдокимовонь "руководстванзо" коряс ушодовсь парконть "оборудовониясь". Роботатнень васень чистэнтэ жо ды седе мейлеяк Евдокимов ярмактнэнь эйсэ ютавтсь эрва ков; сынст эйстэ ламо нолдазэ центральной парконть строямо, сынст лангс эйкашонь парконть тействэ пирявкс, конань должен бутеемс ошонь советсэ. Евдокимов зяро эрявсь ды эрва кода присваивал эстензэ стройматериалтнэнь, подделывал эрва кодат документт. Ды овси аволь случайнойкс лиссь се, што парконть оборудованиязь сезезь, сонзэ эйсэ арась мезеяк нейкак. Сонзэ а кода ловомс паркокс.

Кодамокс ашти паркокс течень чие ды кода тосо организоваз эйкаштинэнь оймсемаст?

Июлень 24-це чистэ ульнесь оймсема чи. Эряволь учомс, што парконть ламо эйкашт налксит эрва кодат интересной

налксемасо. Но овси аволь истя ашти теверсь. Ансяк тесэ-тосе якстэ прынь нолдазэ эйкаштинэ. Вана 3 пикс марто "гигантось". Сонзэ маласо эйкаштинэде сехте ламо эрванть ули мелезэ нурцеми. Но аволь эрванть савкшны теьтеемс. Седе покштнэ сеедьстэ чавныть вишкитнэнь. Вана июлень 24-це чистэ 4-це классо товастницясы Романов Пети аресэ нурцеми, но сонзэ тенень эзизь нолда ды мик чавизь палкасо. "Гигантонть" малас бездельник культурниксэ Гаврилкин а яки, сон а бороци неть безобразиятнень, вишка хулигантнэнь каршо.

Физкультурной площадкостэ ставтозь ансяк палманть, конатнеде башка тосо овси мезеяк арась. Площадканть лангсо кармась касомо тикше. Физкультурниксэ роботамонь перть вейкеяк значикст эзь анокта ансяк эспизэ нузякчинзэ коряс.

Ули строязэ "эстрадак", конась овси не привлекает эстензэ эйкаштинэнь. Сон строязэ аволь мазыйствэ, сон мик атак вельтяк.

Парконть сехте культурной таркакс ловони се, косо эйкаштинэ налкситэ биллардсэ, шашкасо, шахматсэ. Тосо модас пезнавтнезэ колиине лангс чавнозэ овси атак вапксалгавто, грубой лавт. Неть

отвратительной эвментнень вакссо будкинэсэнтэ, косо ванстови кой-кодамо инвентарь, сермадозь эйкаштинэнь грозной являвотма, што "шашкатне, шахматнэ, билиардтнэ, мячтнэ, сеткатне ды лиятне максовить ансяк документэнь коряс". Теде мейле азе снартнекс тосо налксем! Лия эйкашкось можэ туильгак документ (но 7—8 иесэ эйкаштонть мень документ могут улемс?), но сонензэ зярдояк а мевви ломансь, конань кедьстэ можна получамс эрявикс налкшкетэ.

Вана весе, мезе теезэ парконть. Седе тов туить пици-палакст, тикшесэ гушавэ челянь клумбат. Парконть сеедьстэ посетителекс эрить тувот, скалт, лишметь, конатне синтрить чувотнень.

Эряви меремс, што те аволь парк, эйкаштинэнь аволь оймсема тарка, но эйкаштинэнь лангсо виде-паронь нарьгамо.

Чумотне васняткак тесэ ВЛКСМ-нь обкомонь ды горкомонь роботниктнэ, сынст секретарне Иванов ды Левин ялгатне, конатне тов роботаме, эйкаштинэнь оймсемаст организовамо кучьтэ овси аволь проверязь, а маштовикс ломанть. Седеяк берянь се, што обкомонь ды горкомонь роботниктнэ эзизь проверякшно эсистер кучьтнень роботаст ды сыньскак зярдояк эзть ульне те парконть.

Седеяк беряньстэ заботить те парконть кис Наркомпросонь ды горОНО-нь роботниктнэ. Сын аволь ансяк эзть яка парконть, но мик овси а содыть те парконть состояниязо. Паркокс, тосо эй-

какштинэнь ютксо роботамось, сынст воспитаниясь прок аволь сынст тов.

Директоркс тозонь аравтозэ 2 кове пединститутонь студентсэ Жвачкин. Те бездельниксэ, бездушной чиновниксэ овси чуросто эрси парконть, а соды тосонь положениязонть, а бажи парсте аравтомс тосо роботанть.

Весе теь кувалт "паркокс" эрси чаво. А мейсэ тов модемскак.

Культурниксэ Гаврилкинэнь эйкаштинэ содасысь прок пьяница. Сон сеедьстэ садсо эри предьстэ, пек грубойтэ эйкаштинэнь марто отношениянзэ. Эйкаштинэ кортнить, што "минь культурникентэ марто а кортникшнетяно, пельдано сонзэ эйстэ секс, што сон пек сеедьстэ эрси предьстэ ды кройсекшны".

Роботаме тов кучозь кавто вожатойт, конатне парконть эрить случайствэ-случайсэ ды овси а ладить те роботанть.

Весемезэ тосо 8 роботникт, конат ансяк получить ярмакт, конатне овси эзть арсеяк организовамс эйкаштинэнь оймсемаст.

ВЛКСМ-нь обкомонтэнь, горкомонтэнь, Наркомпросонтэнь ды горОНО-нтэнь эряви нейке жо кундамс эйкашонь парконть роботанть парсте аравтомо, роботаме тов кучомс проверязь ломанть, конат алкучксонь теверэ эйкаштинэнь макситэ коммунистической воспитания, парсте организовазсь сынст оймсемаст, кармить ютавтнеме марто веселэ налксемат.

А. Мартынов.

Редакционной коллегия